



Pou Piblikasyon Imedya: 02/10/2023

GOUVÈNÈ KATHY HOCHUL

GOUVÈNÈ HOCHUL ANONSE VANT OZANCHÈ PREMYE PWOJÈ KI PARE POU KONSTWI POU FÈ AVANSE DEVLOPMAN ENÈJI RENOUVLAB A GRAN ECHÈL

Pwogrè nan kad Lwa sou Kwasans Akselere Enèji Renouvlab ak Benefis kominotè New York

Chèche patnè pou transfòme ansyen min nan Konte St. Lawrence lan pou tounen youn nan pi gwo pwojè solè nan Pak Adirondack

Sipòte objektif New York Pou 70 poustan elektrisite Eta a soti nan sous renouvlab yo disi 2030

Gouvènè Kathy Hochul te anonse jodi a vant piblik premye pwojè Pare pou Konstwi (Build-Ready) Eta New York pou fè avanse devlopman enèji renouvlab a gwo echèl atravè eta a. Otorite Rechèch ak Devlopman Enèji Eta New York (New York Energy Research and Development Authority, NYSERDA) ap chèche yon patnè pou transfòme ansyen min nan Konte St. Lawrence lan pou tounen youn nan pi gwo pwojè solè nan Pak Adirondack la. Anons jodi a reprezante pwogrè nan kad Lwa sou Kwasans Akselere Enèji Renouvlab ak Benefis Kominotè Eta a epi li sipòte objektif New York pou 70 poustan elektrisite eta a soti nan sous renouvlab disi 2030 nan kad Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA).

"New York ap dirije nasyon an avèk apwòch inovatè nou pou atenn objektif enèji pwòp nou yo", **Gouvènè Hochul te deklare.** "Pwojè solè Benson Mines la pral transfòme tè ki pa ase itilize yo, pou sipòte endistri lokal yo pandan l ap fè avanse tranzisyon nan enèji pwòp New York la. Mwen pa ka tann pou m avanse ak pwojè sa a pou bay rezidan Konte St. Lawrence enèji nan bon mache ak zewo emisyon".

Otorite Rechèch ak Devlopman Enèji Eta New York (NYSERDA) se administratè pwogram Pare pou Konstwi Eta a epi li pral fasilité vant ozanchè yo. Sitiye nan limit Benson Mines sou yon ansyen pil dechè, yon fwa li fonksyonèl, pwojè solè 12 megawat ki pral lokalize nan sit la prevwa jenere ase enèji renouvlab pou alimante jiska 3,000 kay chak ane, sa ki reprezante apeprè 4 poustan nan rezidan Konte St. Lawrence.

Doreen M. Harris, Prezidan ak Direktè Egzekitif Jeneral, NYSERDA te deklare,
"Benson Mines se yon premye egzanp sou fason pwogram Pare pou Konsti
NYSERDA a ap asosye operasyon endistriyèl ki egziste deja yo ak tè ki pa ase itilize yo
avèk enèji pwòp pou fè yon enpak siyifikatif epi pa neglige anyen nan tranzisyon vè enèji
pwòp New York la. Nou rekonesan anvè patnè nou yo atravè reyon an ki te travay
ansanm ak nou pou fè pwojè sa a yon siksè, epi nou espere chwazi yon devlopè pou
reyalize pwojè inovatè sa a pou kominote Konte St. Lawrence lan".

Direktè Egzekitif Jeneral Depatman Sèvis Piblik la, Rory M. Christian, te deklare,
"Gouvènè Hochul merite kredi paske li konsantre efò Eta a sou devlope ak avanse avèk
pwogram tankou pwogram Pare pou Konsti NYSERDA a. RFP sa a kòmanse
pwosesis konpetitif pou akòde yon kontra bay devlopè ki soumèt pwopozisyon ki pi
efikas ak pi solid pou devlope premye sit ki Pare pou Konsti a. Se atravè pwogram
tankou sa a ki pral pèmèt nou fè tranzisyon nan yon ekonomi enèji pwòp".

NYSERDA te antre nan yon akò opsyon lwaye eksklizif ak Benson Mines Inc. pou zòn
pwojè a epi li te pèmèt pwojè a totalman avèk Ajans Pak Adirondack (Adirondack Park
Agency, APA). NYSERDA te fè avanse tou pwojè a nan mitan etap pwosesis
entèkoneksyon Eta a epi li pral bay estimasyon depans entèkoneksyon yo bay moun ki
kalifye yo. Moun ki fè of yo aksepte a pral antre nan akò ak NYSERDA pou achte pwojè
a epi konplete devlopman ak konstriksyon ki rete yo ki nesesè pou mete pwojè solè yo
prevwa yo ap fonksyone.

NYSERDA pral òganize yon wèbinè enfòmasyon pou bay yon apèsi sou pwojè a ak
pwosesis vant ozanchè a nan 13 oktòb 2023 a 11:00 a.m. Pati ki enterese yo ka enskri
pou wèbinè a [isit la](#).

Demann Pwopozisyon an ap aplike atravè yon pwosesis an de etap. Aplikasyon sou
elijibilité pou premye etap la se 7 desanm 2023 jiska 3:00 p.m. ET. Moun ki fè
pwopozisyon yo dwe satisfè tout kalifikasyon minimòm yo epi yo dwe envite yo soumèt
yon pwopozisyon nan etap de a. Pwopozisyon dezyèm etap yo dwe soumèt jiska 14
mas 2024 a 3:00 p.m. ET. Moun ki enterese fè pwopozisyon yo ka revize pwosesis
aplikasyon an [isit la](#). NYSERDA prevwa notifye benefisyè a nan dezyèm trimès 2024 la.

NYSERDA te travay ak lidè kominotè yo, patnè biznis, ak ajans patnè reyonal yo pou
eksplore ak fè avanse benefis kominotè ki asosye ak pwojè a. NYSERDA te kolabore
tou ak Vil Clifton pou asire pwojè a konplete karaktè kominote a ak plan devlopman
ekonomik alontèm yo. NYSERDA ak Ajans Developman Endistriyèl Konte St. Lawrence
(St. Lawrence County Industrial Development Agency, SLCIDA) ap etabli yon Fon
Benefis Amelyorasyon Kominote Akèy pou SLCIDA jere. Objektif fon an se pou avanse
ak sipòte pwojè ki gen enpak lokal epi ki alien ak enterè kominotè ak reyonal yo.
NYSERDA ak SLCIDA ap fè avanse tou akò PILOT pwojè a.

Benson Mines Inc. kontinye opere kòm yon konpayi granila ak bwa. Devlopman sit la
pou jenerasyon enèji solè ki egziste ansanm konfòm ak objektif alontèm Benson Mines
pou ankouraje devlopman endistriyèl dirab ki revitalize ekonomi lokal la. Depi 19yèm

syèk la, Benson Mines te jwe yon wòl fondamantal nan istwa Vil Clifton ak Fine epi, nan somè li, min lan te konsidere kòm pi gwo min minrè fè ki ouvri nan monn lan, ki anboche 840 travayè. Pwojè sa a konplete efò Konsèy Developman Ekonomik Rejyonal (Regional Economic Development Council, REDC) North Country an pou ankouraje ak sipòte kwasans ekonomik nan ti vil ak kominote riral rejyon an epi alien ak prensip ke Konsèy Adirondack la pou Eta a, sa gen ladan APA, pou gide yon fason responsab devlopman kapasite enèji renouvlab elaji anndan pak la, pou konbat chanjman klimatik, ak ofri kominote yo avantaj.

Stuart M. Carlisle, Prezidan, Benson Mines, te deklare, "Nou kontan dèské nou fè patenarya ak NYSERDA sou pwojè sa a, ki ann amoni ak objektif nou pou konstwi envestisman dirab apati resous ki disponib sou sit nou an. Sa pral pote travay ki nesesè nan zòn nan, ke nou gen konfyans yo pral kòmanse pran fòm nan kad dènye patenarya nan zafè granila nou yo epi finalman atravè redemaraj pwosesis mineral yo. Nou ta renmen remèsyé ekip NYSERDA a, Konsèy Lejislatè Konte a, ak IDA pou sipò yo nan pwojè sa a epi pou ede plis nan egzekisyon plan estratejik nou an".

Direktè Egzekitif Ajans Pak Adirondack la, Barb Rice, te deklare, "Ajans Pak Adirondack la te trè kontan byen travay avèk NYSERDA, Benson Mines ak Konte St. Lawrence pou bay yon pèmi pou otorize pwojè inovatè enèji pwòp sa a. Anba lidèchip Gouvènè Kathy Hochul, Eta New York kontinye bay egzanp pou akselere kwasans enèji pwòp renouvlab. Devlopman sit Benson Mine pou jenerasyon enèji solè ki egziste ansanm se yon egzanp eksepsyonèl sou fason pou entegre pwojè solè a gwo echèl nan kominote riral yo ak peyizaj pwoteje yo".

Lwa sou Kwasans Akselere Enèji Renouvlab ak Benefis Kominotè a te etabli Pwogram Pare pou Konstwi a epi te mande NYSERDA pou l'identife, evalye ak fasilité devlopman sit ki apwopriye pou enstalasyon k ap pwodui enèji renouvlab, bay priorite a "sit ki te devlope anvan" ak "sit komèsyal ki egziste oswa abandone", tankou sit endistriyèl ki pa itilize, depotwa yo, oswa lòt sit dezafekte oswa ki pa ase itilize epi ki bay avantaj pou kominote akèy yo. Nan mwa oktòb 2020, Komisyon Sèvis Biblik New York la te bay yon lòd pou apwouve fòmèlman Pwogram Pare pou Konstwi a. Lòd la te repeète Pwogram Pare pou Konstwi a pral priorize (1) avanse pwojè enèji renouvlab sou sit komèsyal ki te déjà devlope ak ki déjà egziste oswa abandone epi (2) bay avantaj pou kominote akèy sit sa yo.

Pwogram Pare pou Konstwi a ap avanse kounye a yon seri sit atravè Eta New York, li te analize plis pase 5,000 lokal, epi fè pwogrese plizyè douzèn sit atravè evalyasyon ak devlopman pi avanse pandan l ap prepare plizyè pwojè solè atravè eta a pou vant ozanchè Pare pou Konstwi alavni yo. Manm kominote lokal, responsab eli, konpayi prive, kominote jistics anviwònmantal oswa lòt pati enterese yo ankouraje nonmen lokal potansyèl ki pare pou konstwi, ki pral konsidere sou yon baz kontinyèl, atravè [Pwosesis Nominasyon Sit pwogram nan](#). Gen plis enfòmasyon sou pwogrè pwogram lan ak plan NYSERDA yo pou devlopman aktivman yon rezèv elaji sit potansyèl yo ni sou tè publik ni sou tè prive atravè Eta New York ki disponib nan [pajwèb pwogram Pare pou Konstwi](#).

Senatè Eta a, Dan Stec, te deklare, "Pote travay ki byen peye ak novo inisyativ nan rejon nou an enpòtan anpil. Vant ozanchè pou transfòme ansyen min Konte St Lawrence lan pou tounen yon pwojè solè a gwo echèl gen opòtinite pou pote novo devlopman ekonomik nan rejon nou an".

Manm Asanble Ken Blankenbush te deklare, "Sa a se yon opòtinite enteresan pou rezidan Clifton yo nan Konte St. Lawrence. Yo te konnen Benson Mines istorikman pou enfliyans inovatè ak ekonomik yo nan kominote a. Min nan se premye pwojè New York mete ozanchè pou devlopman enèji renouvlab epi li pral kreye yon opòtinite pwodiktif ak siyifikatif pou pwopriyete Benson lan. Mwen sipòte rezidan yo nan desizyon yo pou òganize pwojè sa a. Mwen pa ka tann pou m wè rejon yo k ap fleri gras a devlopman sa yo".

Vis Prezidan Konte St. Lawrence ak Lejislatè, Distri 6, Larry Denesha, te deklare, "Anons fòmèl vant ozanchè k ap vini an se yon bon nouvèl, non sèlman pou Vil Clifton ak Fine, men pou tout Konte St. Lawrence. Pou wè yon pòsyon enpòtan nan defen pwopriyete Benson Mines/J&L vin pwodiktif ankò, se te yon rèv depi lontan nan kominote a. Kounye a, gras ak travay di ak detèminasyon moun ak òganizasyon ki twò anpil pou nou site, li pral byento vin yon reyalite".

Direktè Egzekitif Jeneral Ajans Developman Endistriyèl St. Lawrence lan, Patrick J. Kelly, te deklare, "Pandan n ap kontinye travay avèk NYSERDA sou pwogram Pare pou Konstwi a, li klè ke n ap fè pwogrè sou objektif nou pataje yo pandan n ap avanse nan pwochen faz pwojè a. Cevlope yon pati nan pwopriyete Benson ki pa ase itilize pou jenerasyon enèji renouvlab pral pote novo envestisman, devlopman enfrastrikti, ak avantaj ekonomik pou kominote lokal la pandan l ap sipòte objektif enèji vèt Eta a".

Plan Klimatik Lidè Nasyonal Eta New York la

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatyè syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout novo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York

la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418